

Matematik C - 2022

1. Ilinniartitsissutip inissisimanera

Ilinniartitsissut tigussaasumit avissaartitsinermik, isumaliortaatsimut naleqquttunik eqqarsarnermik isumaliutersuutinillu tunngaveqarpoq, ilaallutillu periaasiernermut ajornartorsiutinillu suliaqarnermut periutsit arlalissuit. Ilinniartitsisummi periusissiorneq sulinermilu ajornartorsiutinik aaqqiineq aqutigalugit atuagarsorluni atorneqarsinnaasunillu sammisanik suliarineqartarput.

2. Ilinniartitsisummi siunertat

Ilisimasat piginnaasallu

Ilinniartut taaguutinik imatut ilisimasaqtigissapput ilinniartitsisummilu suleriaatsinik atuinermi piginnaasaqtigissallutik, ulluinnarni inuunermi, inuaqatigiinni pinngortitamillu pissutsinik matematikkimut tunngasunik paasinnissinnaassallutik, atuisinnaassallutik attaveqaqateqarsinnaassallutilu. Ilinniartitsisutini assigiinngitsuni ajornartorsiutinik paasinnissamut, oqaasertalersuinissamut suliarinnermullu matematikkip qanoq iliirluni tapersiisinnaaneranik paasisimasaqassapput.

Ilikkagaqartarnermi sulinermilu piginnaasat

Matematikkip ajornartorsiutinik aaqqiinermi nutaaliornermilu sakkuuneranik paasinnissamut ilinniartut suliaqarfimmi tunngavissaqassapput. Ilinniartut ilinniartitsissutip imarisani periarfissat pillugit paasisimasaqassapput. Ilinniartut namminneq ilikkagaqarnissaminut akisussaaqataassapput aammalu ingerlaqqiluni ilinniagaqarneq matematikkimik tunngaviusumik qaffasissuseqartumik ilaqartoq naammassisinnaajumallugu naammattunik piginnaasaqassallutik.

Inuttut inuillu akornanni attaveqaqatigiittarnermi piginnaasat

Ilinniartut ulluinnarni tunngasuni matematikki paasisinnaassavaat atorsinnaassallugulu aamma ataatsimoorlutik ingerlatat misissuiffiusut ajornartorsiutinillu aaqqiiffiusut aqutigalugit aaqqiissutissanik namminneq nassaarsinnaassallutik. Tassunga tunngatillugu allat matematikkimik atuisarnerat ilinniartut isummerfigisinnaassavaat.

Kulturikkut inuaqatigiillu akornanni piginnaasat

Kulturimut inuaqatigiinnullu tunngatillugu matematikkip inissimanaerata misiginissaanut paasinissaanullu tunngavittut ilinniartut suliaqarfimmi tunngavissaqassapput. Ilinniartut inuaqatigiinni tamat oqartussaaqataaffianni akissussaaffimmik tigusinissaq sunniuteqarnerlu siunertalarugit matematikkip nalilersuilluni atorneqarsinnaaneranik isummersinnaassapput.

3. Ilikkagassatut anguniakkat imarisalu

3.1 Ilikkagassatut anguniakkat

Ilinniartut uku piginnaalissavaat:

- a) Kisitsisilerineq kisitsisinillu saqqummiineq kiisalu taamatut ingerlatsinernit angusat apersuusersuikkuni nalilersinnaanerat,
- b) formelit suliarisinnaassavaat, nikerartut ataqtatigiiffiinik ajornannngitsunik suliaqarneq ilisarnaatinik imallit suliarisinnaallugillu nassuiarsinnaassallugit aammalu ajornartorsiutit matematikkimik imallit suliarinissaannut oqaatsnik ilisarnaatinik ilalinnik atuisinnaaneq,
- c) matematikkimi ajornartorsiutit ilisarisinnaassavaat aamma oqaasinngorlugit grafikkinngorlugit ilisarnaaserlugillu saqqummiussat nikittaallugit suliarisinnaallugit kiisalu saqqummeeriaatsit assigiinngitsut qaqugukku naleqquttuunersut aalajangertarlugu,
- d) pingasunik teqeqlullini assigiinnik vinkililinni sanilliussilluni naatsorsuineq aamma matematikkimi programmimi sakkumi pingasunik teqeqlulinnik nalinginnarnik trigonomi atorlugu naatsorsuineq,
- e) atuuffiinik taaguut tassanilu takutitseriaatsit, narlusut, eksponetiellit aamma potensini atuuffiisa taakkulu grafikkinngortinnerisa ilisarnaataat,
- f) pokynominik qaffasissutsit aappaaniittunik logaritmillel atuuffinnik taakkulu matematikkimut programmini sakkuni piginnaasaannik grafikkinngorlugit suliaqarneq
- g) tangentinik kiisalu akuttussutsinik allanngoranngitsunik akuttussutsitut killeqartutut nassuaasersorlugit atuuffiisa annertoorujussuunerannik grafikkinngorlugu aalaangiineq
- h) immikkoortuni toqqakkani matematikkimik atuineq pillugu ilisimasat takutissillugit ingerlateqqillugillu, tassunga ajornartorsiutinik illuinnarni inuunermit inuiaqtigiillu inuunerannit aallaaveqartut suliaralugit,
- i) matematikkimut programmit sakkut misileraanermut taaguutinillu ineriartortitsinermut kiisalu ilisarnaatinik suliarinnermut ajornartorsiutinillu aaqqiinermut atorsinnaallugit,
- j) matematikkimi oqaasertat ajornannngitsut atorsinnaallugit aamma
- k) matematikkimi tunngaviusumi ilinniartitsissutip imarisaani pingaarnerniittut pillugit minnerpaamik piumasaqaatit eqqortissinnaallugit.

3.2 Ilinniartitsissutip imarisai pingarnerit

Ilinniartut ilinniartitsissutip imarisaani pingaarnikkut ilinniartitsissummi itisilerisinnaassapput, ilisimasqalissapput piginnaasaqalerlutilu. Ilinniartitsissutip imarisai pingarnerit ukuupput:

- a) missingersuutinik naatsorsuineq, kisitseriaatsit tulleriinnilersorneri, ilisarnaatinik ajornannngitsumik allanngortiterineq, assigiimmik alliartoqatigiinneq aamma aappaa alliartortoq aappalu milliartortoq, arlaleqqiutillit pillugit taagutit annertusisat, algebrami grafikkinngorluggillu peritsiut atorlugit ligninginik kisitsineq,
- b) procentimik inernianillu naatsorsuineq, allannguutivia allanullu sanilliullugu, siumut naatsorsuinermut formeli,

- c) kisitsisinik erseqqarivinngitsunik immikkoortitanillu suliarinninnermut periutsit allanngoranngitsut, naatsorsueqqissaarinernik grafikinngorlugu takutitsineq, tigusillattaarilluni misissuineq aamma pissusivinnik naatsorsueqqissaarinerit kiisalu regressionit lineærinik, eksponentielinik, potens-regressioninik atuineq tassunga ilanngullugu residualplotit,
- d) pingasunik teqeqquullini assigiinnik vinkililinni sanilliussilluni naatsorsuineq aamma matematikkimi programmimi sakkumi pingasunik teqeqquulinnik nalinginnarnik trigonomi atorlugu naatsorsuineq,
- e) atuuffiinik taaguut tassanilu takutitseriaatsit narlorissut, eksponentielit potensini atuuffisa grafikkinngornerisalu ilisarsaanaat,
- f) polynomini qaffasissutsit aappaaniittunik logaritmit atuufinik taakkulu matematikkimut programmini piginnaasaannik grafikkinngortitsineq,
- g) tangentinik kiisalu akuttussutsinik allanngoranngitsunik atuuffiinillu akuttussutsitut killilittut nassuaaserlugit ingasattunik grafikkinngorlugu aalajangiineq,
- h) matematikkimi ilusilersuinerit tunngaviusumik piginnaasaat, atuuffii assigiinngiiaartut qulaaniittu ilaat atorlugit taakkulu ataqtigiissillugit matematikkimi ilusilersuineq.

Minnerpaatut piumasaqaatit

Minnerpaamik piumasaqaatini ilinniartitsissutip imarisai pingarnerit allaaviupput, tassungalu ilallutik matematikkimi tunngaviusumik pikkoriffiit piginnaasallu, tassa ilinniartut matematikkimi taaguutit atorsinnaasavaat ajornaatsunillu isumaliutersuuteqarsinnaassallutik, saqqummiussat akornanni nikerarsinnaallutik, matematikkimi programmit sakkut atornagit atortugillu matematikkimi ajornartorsiutit ajornaatsut suliarisinnaassallugit kiisalu algebrami tunngaviusumik allanngorartitsisinnaassallutik.

3.3 Illassutitut ilinniakkat

Ilinniartut taamaallaat pingarnertut ilinniakkat atorlugit ilikkagassatigut anguniakkat angusinnaassanngilaat. Illassutitut ilinniakkat ilinniartitsissummi ilisimasat annertusinissaat siunertalarugu ilinniartitsissutip imarisauut pingaanernut atassusiisinjaassapput itisiliillutillu, ilinniartitsissutinut allanut atassuteqartitsineq tapersissallugu matematikkimilu oqaasertat suliarinissaannut inissaqartitsissalutik. Kalaallit Nunaanni nunallu tamat akornanni pissutsinut sapinngisamik annertunerpaamik atassuteqartitsisoqassaaq.

Sammisani ataaniittuni ikinnerpaamik marluk ilassutitut ilinniakkani ilanngunneqassapput :

- a) indekstalit, annuitet atorlugu kisitsineq
- b) kombinatorik, tunngaviusumik ilimanassusilerineq aamma illugiiffaarissunik ilimanassuseqartut

- c) vektori atorlugu nalilersuilluni kisitsineq, tassunga ilanggullugit skalarprodukt, determinant, projektion, qivernerit aamma areali kiisalu geometrimi ajornartorsiutit saqqummiunnissaannut aaqqinnissaannullu vektori tunngavigalugu koordinatgeometri

Ilinniartut ilikkagassatut anguniakkat tamaasa angusinnaanisassamatigit ilassutitut ilinniakkanut aamma ilaassapput:

- d) sammisani toqqakkani ajornanngitsumik uppermarsaasiorneq
- e) tangentip uinganerata koefficientianik matematikkimi periutsimi alliartornerata sukkasusiatut suussusiliineq
- f) paassisutissanik piviusunik suliaqarneq

4. Ilinniartitsinerup aaqqissuunneqarnera

4.1 Ilinniartitseriaatsimi periutsit

- a) Ilinniartitsinerni ilinniartut ilinniakkani qaffasisusiat ilisimasaallu aallaavagineqassapput.
- b) Ilinniartitsineq imatut aaqqissuunneqassaaq ilinniartitsisut ilinniartullu akornani ilikkagaqartarnermi oqaloqatigiittarnerattut sapinngisamik isikkulerlugu.
- c) Ilinniartitsineq imatut aaqqissuunneqassaaq ilinniartitseriaatsit assigiinngitsut paarlakaajaanneqassallutik.
- d) Ilinniartitsineq imatut aaqqissuunneqassaaq ilinniartut soqtigisaat pisariaqartitaallu isiginiarneqassallutik, taaamaallilluni ilinniartut ilinniartitsissutip pissanganartuuneranik, naleqquttuuneranik soqtiginartuuneranillu misigisaqarnissamut perarfissinneqassallutik.
- e) Ilinniartitsineq imatut aaqqissuunneqassaaq ilinniagaqarnerup ingerlanneqarnerani sammisanilu ineriertortsinermi ilinniartitsissut siuarifiussalluni, tassa ilinniartitsissummi oqaatsit oqariartaatsillu ineriertorfiusallutik, taamaallilluni ilinniartut namminneerlutik suliariaaseqarnissamik ajornakusoortunillu eqqarsartarnissamut piffissap ingerlanerani sungiusarneqassallutik.
- f) ilinniartitsineq imatut aaqqissuunneqassaaq inuiaqatigiinnut avatangiiserisanut annertunerpaamik attuumassuteqalersillugu.

Ilinniartut matematikkimi ajornartorsiutinik suliassanillu namminersorlutik suliaqarnerat ilinniartitsinermi qitiussaaq.

Matematikkip atuuffii annertuumik pingartinneqassapput, aammalu ilinniartitsinermi tunngaviit matematikkimi periutsit taakku ajornartorsiutini assigiinngitsorujussuarni qanoq atorneqartarnerannik ilinniartunuk paasisitsisut atorneqassapput.

Tunngaviusumik ilinniarnermi ilinniartitsineq imatut aaqqissuunneqassaaq meeqqat atuarfianni allaaserinninnermit nassuaanermiillu ilinniarnertuunngorniarfimmi allaatariarsorluni matematikkimik ilinniartitsinermi oqaluttuariarsornilu ingerlatsinerni

isumaliutorsornermut tunngavilersuinerlullu naleqquttumik ikaarsaariartitsisoqarluni. Ilanniartitsissummi ilinniakkat ilaat tunngaviusumik ilinniarnermi ingerlanneqartussat qitiusumit aalajangerneqarnikuupput, tassaallutillu narlusunngortitsinermi periutsit, tassunga ilanngullugit narlusuumik atuuffii. Tamanna tunngaviusumik ilinniarnerup naggataami misiliinermi misiliutitut atorneqassaaq.

4.2 Suleriaatsit

Ilanniartitsinermi suleriaatsit assigiinngiiaartut ilinniagaqarnermi ilinniartunik peqataalersitsisut toqcarneqassapput, ilinniartullu nammineersinnaassusianut piumasaqaatit annertusiartortinnejassallutik. Ilinniakkanut tunnngatillugu assigiinngiiaartitsisoqassaaq, kisiannili ilinniartut assigiinngiiaassusiat, taakku ilikkariaaseqartarnerat pisariaqartitaallu aamma annertuumik isiginiarneqassapput. Ilinniartut ilanniartitsissummi oqaatsink siullugu oqaasillit aappaattullu oqaasit isiginiarneqassapput. Suleriaatsini ilanniartitsissummilu piumasaqaatini aamma ilinniartut nammineersinnaasusianut piumasaqaatini siuariartortoqassaaq.

Suleriaatsit imatut aaqqissuunneqassapput ilinniartut klassimi ilanniartitsinermik, ataasiukkaarluni sulinermik, marlukkaarluni suleqatigiikkutaarlunilu sulinermik paasisaqartillugit. Suliniutnik suliaqarneq sammisanilu suliassat ilanniartitsinermut nalinginnaasumik ilaassapput, ilanniartitsissuni immikkullarissuni imaluunniit ilanniartitsissutit allat suleqatigiissutigineqarneranni.

Oqaluttariarsorluni saqqummiineq allattariarsorlunilu sulineq ilinniartut ilanniartitsissummi oqaatsink oqariaatsinillu atuinerat annertusarniarlugu aamma ajornakusoortunnik eqqarsaateqarsarsinnaassusiisa qisuarqartarnerisalu ineriarnerannut tapersiissutit ilanniartitsinermut ilaassapput.

Allattarissanik suliaqarnerni sammisat pillugit suliassat suliniullu oqaluttariarsorluni misilitsinnermi tunngaviusussaaq, tak. imm. 5.2.

4.3 It

Matematikkimi progammit sakkut matematikkimik suliaqarnermi pissutsini tamani ilanngunneqassapput, imatullu ilanngunneqassallutik misissuilluni ingerlataqarnissaq, taaguutnik ilinniarnissaq, naatsorsuinissat ingerlatitseqqiinissallu siunertaralugit ilinniartut namminneq matematikkimut piareersimaneranni nalinginnaasumik ilaassallutik.

Ilinniartut illuatungaani programmini atortuni periarfissat matematikkimik paasinninnerup ineriarortinnejarneranut tapersiissutit illatungaanilu matematikkimik atuisinnaanerup progammit sakkut taakku ikisimasaqarluni isummersorluni atornissaat qulakteerniarlugu pisariaqartut pisariaqarnerannik ilisimasaqalissapput.

Ilinniartitsineq matematikkimi programmit artortut aamma “aqluerusaq pappiliarlu” (artortulluunniit taamatut atorneqarsinnaasut) atorneqarnerat naleqquttumik parlakaajaallugit aaqqissuunneqassaaq. Matematikkimik ilinniagassanik ilinniartut namminerllutik sulineranni ilisimallugu sakkunik suliamikku ingerlatsinermi tunngavilersorluakkanik toqqaanermi.

Matematikkimi programinut sakkunut ilaapput, artortut misileraanermut ingerlatsivinnnermullu tapersiisut, geometrimi naatsorsueqqissaarnermilu atorneqarsinnaasut, tassunga ilanngullugit grafikkinik titartaaneq regnearkit artortut kiisalu CAS atorlugu ilisarnaatinik tamanut tunngasumik allanngortiterineq,

4.4 Ilinniartitsissummi oqaatsit

Ilinniartitsineq imatut aaqqissuunneqassaaq ilinniartut ilinniartitsissumi oqaatsinik aammalu ilinniartitsissummi oqariaatsinik paasinnittarnerat atuisarnerallu aaqqissuussamik ineriertortinneqarluni. Ilinniartitsineq imatut aaqqissuunneqassaaq ilinniartitsissutit siulianni oqaatsinik oqariaatsinillu ilinniartut piffissap ingerlanerani paasinnilluarsinnaatikkiartortillugit atuisinnaalluartikkiaartortillugillu.

4.5 Ilinniartitsissutinut allanut atassuteqartitsineq

Ilinniartitsineq imatut aaqqissuussineqassaaq piffissap ilaani suliaqarfait akornanni sulisoqartarluni aammalu ilinniartitsissutini allani ilisimasaqarfinnik sanilliussisoqartarluni.

5. Nalilersuineq

5.1 Ingerlaavartumik nalilersuisarneq

Ilinniartitsissummi ilikkagassatut anguniakkat suliaqarfiallu imarisai ingerlaavartumik nalilersuinermut tunngaviupput.

Ilinniartunik ataasiakkaanik nalilersuinermi ulluinnarni ilinniartitsinermi allattariarsorlunilu sulinermi ilinniartut sulinerat suliaqarfimmilu qaffasissusiat aallaaviussapput. Ilinniartut sulinerisa suleriaasiisalu allanngortinnissaannik pisariaqatitsisoqarneranik nalilersuineq nalilersuinermi tunngaviussaaq, tassunga ilanngullugu ilinniartut allanik suleqateqarnerat.

Ataatsimut nalilersuinermi ulluinnarni ilinniartitsineq aallaaviussaaq. Tassani ilinniartitsisup ilinniartullu ataatsimut nalilersussavaat suleriaatsit aaqqiivigineqarnissaannik allanngortinnissaannillu pisariaqartitsisoqarnersoq, taamaalilluni ilinniartitsissummi ilikkagassatut anguniakkat anguneqarsinnaalissallutik.

Tunngaviusumik ilinniarnerup naggataani tunngaviusumik ilinniarnermi ilinniartitsissutip imarisaanut qitiusumit aalajangerneqartunut tunngatillugu ilinniartut ataasiakkaat anguniakkanik angusinerisa upternarsarnissaa siunertaralugu allattarissamik misiliisoqassaaq. Misiliinermut tiiminik marlunnik piffissaqartitsisoqassaaq, ilinniartullut artortorissaarutinik tamanik atuisinnaassapput, tassunga ilanngullugit matematikkimut programmit artortut. Suliassani ilaapput minnerpaamik piumasaqaatit eqqortinnejarnissaat aamma matematikkimi

qaffasissutsit C, B imaluunniit A ingerlassinnaanissaat siunertaralugit suliassat ilinniartut ataasiakkaat matematikkimi pikkoriffiinik piginnaasaannillu misiliutit.

5.2 Misilitseriaatsit

Ilinniartitsinermi sammisat pillugit suliat tunngavigalugit oqaluttariarsorluni misilitsittoqassaaq, tak. imm. 4.2. Piffissaq soraarummeerfiusoq minutsit 24-t missaaniippoq. Piareersarnermut minutsit 48-t missaanni piffissaliisoqassaaq.

Soraarummeertoq makitsinikkut apeqputit ilaannik ilisimasaqartunik marlunnik imalimmik suliakkerneqassaaq. Soraarummeertoq aamma makitsinikkut ilinniartitsissummi minnerpaamik piumasarineqartunik misiliiniarluni ilisimaneqangitsumik suliakkerneqassaaq.

Suliassat militsinermi tunngaviusut pingaarnertut ilinniartitsissummi anguniakkanik, ilinniartitsissutip imarisaanik pingaarnernik ilassutaasumillu ilikkagassanik imaqqassaaq.

Soraarummersitsineq soraarummeertup saqqummiussineranik aallartineqassaaq tamassumalu kingorna soraarummeertup soraarummeertitsisullu suliassaq makitaq aallaavigalugu oqaloqatigiinnerattut ingerlanneqassaaq.

Sammisat pillugit suliassanut missingiutit oqaluttariarsorluni suliassat ilanngullugit censorimut misilitsinnissaq sioqqullugu nassiunneqassapput.

5.3 Nalilersuinermermi tunngaviit

Naliliineq tassaavoq soraarummeertup ilinniartitsissummi anguniakkanik qanoq eqortitsigneranik naliliineq

Soraarummeertup piginnaasai uku pingartinneqassapput:

- a) matematikkimi sammisamik nassuaaneq,
- b) ilinniartitsissummi oqaatsinik periutsinillu atuineq,
- c) ilinniartitsissummi ilinniakkanik ingerlatitseqqiineq.

Tamanik naliliineq aallaavigalugu karakteriliisoqassaaq.

Soraarummeertup saqqummiussinerani ilinniartitsissummi minnerpaamik piumasaqaatit eqortinneqarpata, soraarummeertoq angusisutut qaffasinnerusumilluunniit karakterilerneqassaaq.